



PARLIAMENT
OF THE REPUBLIC OF SOUTH AFRICA

TLHAGIŠA MAIKUTLO A GAGO MOLAOKAKANYWAPHETOŠO WA MELAO YA THUTO YA MOTHEO [B2-2022] DITŠHIŠINYO

Komiti ya Phothefolio ya Thuto ya Motheo e laletša bengditseka le batho ba go ba le kgahlego gore ba romele ditšhišinyo tša go ngwalwa ka ga Molaokakanywaphetošo wa Melao ya Thuto ya Motheo [B2-2022]. **Molaokakanywa o ka hwetšwa go: <https://www.parliament.gov.za/bill/2300398>**

Molaokakanywa o šišinya phetošo ya Molao wa Dikolo wa Afrika Borwa, 1996 (Molao wa Nomoro 84 wa 1996), le Molao wa Thwalo ya Barutiši, 1998 (Molao wa Nomoro 76 wa 1998) (SASA le EEA, ka go latelana), go e tsepanya le ditlhabollo tša ka lefapheng la thuto le go kgonthiša gore mekgwa ya go ithuta e phethagatša tokelo ya thuto ya motheo ye e lego ka go karolo 29(1) ya Molaotheo wa Rephabliki ya Afrika Borwa, 1996.

Magareng ga tše dingwe, Molaokakanywa o nyaka go fetša ditlhalošo tše itšego; go neelana gore bana ba gapeletšega go dira grade R, le go neelana ka kaonafatšo ya sehlolongwa mabapi le kamogelo ya barutwana dikolong tša mmušo. O neelana le ka ditlhako tša maikarabelo a baokamedi ba dikolo le dikgoro tša diprofenseng go tša ditšhelete le mmušong.

Molaokakanywa o neelana le ka maatla a tlaletšo go Tona gore a dire Melawana, gape o godiša maatla a go tšea sephetho le tlhokomedišišo ka Dihlogo tša Dikgoro le Balekgotlaphethiši.

Molaokakanywa o šišinya le ditekanyetšo tša setegniki le tša bohlokwa, o hlaloša dineelano tše itšego tše di lego gona, o tsenya dineelano tše di sego tša akaretšwa molaong gomme wa tiiša mekgwa ya phethagatšo mo melatong le dikotlong.

Motho ofe goba ofe goba mokgatlo wo o nyakago go romela ditshwayatshwayo tša go ngwalwa o ka di lebiša go: Mna Llewellyn Brown, Mongwaledi wa Komiti ka emile: belabill02@parliament.gov.za goba ka inthanete go <https://forms.gle/MoC6AdbdQyYPk3Y49> goba ka WhatsApp: +27 60 550 9848. Mna Llewellyn Brown a ka hwetšwa nomorong ya 083 709 8450 ge go na le dipotšišo. Ditšhišinyo tša go ngwalwa di tlo amogelwa Palamenteng go fihla ka 16:00 ka la 15 June 2022 ka 16h00. Go tlaletšša ditšhišinyo tša go ngwalwa, o ka laetša ge eba o nyaka go tla go ipolelela ka bowena.

Dipoledišano ka moka di tla lebišwa go Mdi B P Mbinqo-Gigaba, Modulasetulo wa Komiti ya Phothefolio ya Thuto ya Motheo gomme go laetšwe gore di lebišitšwe go Mna L A Brown.

Ka tšhišinyong ya gago, o kgopelwa gore o laetše leina la gago, sefane, mogala wa nomoro le aterese ya emile ya motho goba mokgatlo wo o romelago ditshwayatshwayo.

E hlagišitšwe ke Mdi B P Mbinqo-Gigaba LP, Modulasetulo wa Komiti ya Phothefolio ya Thuto ya Motheo.

**Parliament – Following up on our commitments to the People
– Making your future work better**